



CA NI RIGUIXHE CA DIIDXARO' RUSIENE XTI' CA XAIQUE  
DAGULISAA LU GUIDXI MEXICU (CÁMARA DE DIPUTADOS  
DEL H. CONGRESO DE LA UNIÓN) CHONNA LATEGANDE  
LEGISLATURA  
ZINANDA NI BIZAACA

Ca ni jma Risaca Ribee Xpieque Nagana lu Guendaribí ndaani' Guidxi Méxicu, (Sala Superior del Tribunal Electoral del Poder Judicial de la Federación) lu gaayu' gubidxa xti' becu natíbita iza chupa bixhiapa ne xhoopa', lu ti gui'chi' xigaba' SGA-JA-5723/2006, bidii xtiidxa' ni naca Xaique xti' ca ni Riguijhe ca Diidxaro' Rusiene lu niru iza xti' CHONNA LATEGANDE Legislatura xti' ca Xaique Dagulisaa lu Guidxi Méxicu ra "BIAANA SICA BIREE XPIEQUE RA BILUXE BIGABA' XQUENDARIBI XAIQUE XTI' CA GUIDXIRO' DXAAGA GUIDUBI MEXICU, BIDII XTIIDXA' NA RISACA NE SNEZA GUCA GUENDARIBI NE ZAUQUECA XAIQUE GUIDXI NI GUDXI'BA' LU GUENDARIBI", zinanda ra biree xpiéqueni lu gaayu' gubidxa xti' becu natíbita iza chupa bixhiapa ne xhoopa', laani zinándani guenda ni rudii Niru ndaa diidxa' xti' diidxa' ndahui rusiene (artículo) 74 nexhe' lu Constitución lu biropa xigaba' xti' diidxa' ndahui rusiene 23 nexhe' lu Gui'chi' ra cá ca Diidxaro' Rusiene Nexhechaahui' ra cá xti' guira' ca ni Ridxaaga lu ca Guidxiro' Dxaaga Guidubi Méxicu, (Ley Orgánica del Congreso General de los Estados Unidos Mexicanos) cudii diidxa' di'

GUI'CHI' RA CÁ GUENDA NABE RISACA (BANDO SOLEMNE) GULUI' NE GUDII XTIIDXA' GUIDUBI MEXICU TU LAA NGA XAIQUE GUIDXI BIBÍ

Ca ni Riguijhe ca Diidxaro' Rusiene xti' ca Xaique Dagulisaa lu Guidxi Méxicu, ca xpinni ca Guidxiro' Dxaaga Guidubi Méxicu: cudii xtiidxa':

Cásica biaana gui'chi' xti' guendaribí xaique ca Guidxiro' Dxaaga Guidubi Méxicu lu gaayu' gubidxa xti' becu natíbita iza chupa bixhiapa ne xhoopa', Ca ni jma risaca Ribee Xpieque Nagana lu Guendaribí ndaani' Guidxi Méxicu ma' gulee xpiéqueni ne na:

"Niru. Cásica biaana lu ra biluxe bigaba' xti' guendaribí, ni gudxite lu guendaribí ne gupa jma stale binni lade tu laa gaca' Xaique ca Guidxiro' Dxaaga Guidubi Méxicu la, laa nga nguiiu la' Felipe de Jesús Calderón Hinojosa."

"Biropa. Risaca dxiiña' ra guca' guendaribí Xaique ca Guidxiro' Dxaaga Guidubi Méxicu".

Bionna. Nguiiu la' Felipe de Jesús Calderón Hinojosa napa guira' guenda ni rinaba' lu guendaribí casi nexhe' lu diidxa' ndahui rusiene 82 cá lu Constitución Política xti' ca Guidxiro' Dxaaga Guidubi Méxicu".

"Bidapa. Ma' gu'ta' diidxa' gaca' nguiiu la' Felipe de Jesús Calderón Hinojosa Xaique Bibí xti' ca Guidxiro' Dxaaga Guidubi Méxicu, zuzulú xhiñabe lu niru xhi becu iza yooxho' xti' iza chupa bixhiapa ne xhoopa', huaxa zalúxeni lu lategande bichii xhi becu xandu' iza chupa bixhiapa chiibichupa. Ngue runi la, cacaabe gui'chi' risaca ni cani' laabe gudxi'babe luguia' guendaribí".

Careeche ra cá Guenda Nabé Risaca di' lu Gui'chiro' Rutiidi' Diidxa' xti' Méxicu, (Diario Oficial de la Federación) laaca zaqueca careecheni lu ca Gui'chiro' Rutiidi' Xtiidxa' ca Guidxiro' xti' Méxicu, ne guicani ca ra yooro' ni jma risaca xti' ca Guidxiro', zaqueca xti' ndaani' guidxi Ladxido' Méxicu ne laaca guicani ndaani' ca yoo xti' ca Guidxi xaique.

Cá ni Riguijhe ca Diidxaro' Rusiene xti' ca Xaique Dagulisaa lu Guidxi Méxicu, Yoola'huiro' nuu San Lázaro, lu gadxe gubidxa becu natíbita iza chupa bixhiapa ne xhoopa'.

Diputadu Jorge Zermeño Infante (xtuuba' la)

Xaique ca ni Riguijhe ca Diidxaro' Rusiene xti' ca Xaique Dagulisaa lu Guidxi Méxicu.